

Gbouŋ nba ki Pɔɔl din sɔb ki tur **TAITUS** nae na

Ki jiin Taitus gbouŋ na po

Taitus din ki tee Juu nirɔ, ŋaan teen Yi-isa yada, ki tee Pɔɔl toontunnanlɔɔ nan u sommtɔɔ, barŋanii na toona ni. Pɔɔl gbouŋ nba ki u tur Taitus na din want a wun biar Kret tiŋ nie, kii gorii Yiisaweira na benu.

¹ Min Pɔɔl, wunba tee Yennu daabir nan Yiisa Masia toomii na, mine ki Yennu gann ki tumin u nigannkab boor a n chee bi yada, ki te bin bann u barmonii labaar nba wantit yentinu sɔnu na, ² ki bia turib dindann nan bi sii mɔk manfoor nba kaa gbennu. Yennu nba ki fa faak na din senn mɔsonn ki sɔɔ durinya daa ki piin, a u tan saa turit manfoor maŋ, ³ ki yoo nba din tan jaŋ na ki u fiit wann li labaar u maan ni; ki jii labaar maŋ ki teen n nuu ni, ki n mɔontir nan ti Tinntɔɔ Yennu nba turin mɔb na. ⁴ N sɔbin gbouŋ na ki teen fin Taitus nba tee n bimɔŋ, yada yennkɔɔ ni nae. Ti Baa Yennu nan ti Tinntɔɔ Yiisa Masia ninkpabaŋ nan parmaasir-ii be nana.

Ki jiin Taitus toona po

⁵ N din te ki a biar Kret tiŋ ni maa a ŋamm bonsiar kur nba kpaa talase, ki gann Masiaweira saakab doo kur ni, nan maa wanna biaŋinba na: ⁶ Li kpaa talas ki Masiaweira

saakoo daa mok biiti; kii mok poo yenokoo; ki u waas n teen Masia yada, ki daa tee wabiit nan tubkangbata; ⁷ kimaan Masiaweira yudaanoe yen Yennu toona. Li paak, li kpaas talas ki u daa mok biiti: U daa tee bongaann, koo wunba dont wutoor yann yanni, koo ki tee danyuuruk, koo kpikpiruk daano, koo liklonbiiuk daano. ⁸ Li kpaas talas ki wuu mi saamm gaaru, kii loon toonjana tumu, kii sub, kii be fanu, kii tee popeendaano, kii mi u monodianu, ⁹ kii dia barmonii labaar nba ki bi din wannoo na. Janne saa te wun fit wann niib wannu nba took, ki fit nyann binba ki saak barmonii wannu man.

¹⁰ N beera linba na, kimaan moyetdamm be bonchiann, ki Juu tesiab mantik tuun nnae, ki dia bi momaan nba kaa nyoot ki kpann leeb. ¹¹ Li kpaas talas ki fan goor bi labaar man, kimaan bi liklonbiiuk paak ki bi lin want niib linba ki nan nan bii want, ki nmat nasai niib dudukit. ¹²⁻¹³ Kret jasoo, wunba din tee bi tion sokinii na din yet a: "Kret teeb fa faak yoo kura; bi tee nan bonkobibiit nae, ki bia tee forinfoona nba loon diina kuukoo." Waa din yet bianinba na tee barmonii. Li paak, li kpaas talas ki a yakii namm fanu, ki bin dia Masia labaar na nan barmonii, ¹⁴ ki ji daa fiin Juu teeb faak po, ki bia daa fiin niib nba ki saak barmonii wannu na po. ¹⁵ Popeendamm boor, bonsiar kur yeene; nan biitdamm nba ki teen Masia yada na, siar ki yeen bi boori, kimaan bi dudukit nan bi yan ki yeeni. ¹⁶ Bi yi bi mon Yenmiirae, nan ki bi toona want nan bi ki mi Yennu. Bi tee moyetdamme, ki nubir Yennu

boor, ki bia kan fit tun toonḡansiari.

2

Ki jiin wannmɔnu pɔ

¹ Taitus, fin-ii want wannmɔnu na. ² A kpaan jasaakab na ki bii be soon nna, kii sub, kii dia bi mɔḡ, kii dia Masia labaar fanu, kii loon niib, kii mɔk gbankur. ³ A bia kpaan poosaakab na ki bii tee popeendamm. Bi daa tee sanjaanjanna, ki daa mantik tee danyuura. Li kpaas talas ki bii want linba ḡan, ⁴ kii want poobis na ki bii loon bi sɔrib nan bi waas, ⁵ kii dia bi mɔḡ, kii tee popeendamm, kii tee ḡapooḡamm, kii be fanu, kii saak bi sɔrib mɔi. ḡanne saa te ki sɔɔ kan fit pak bonbiir ki jiin Yennu maan na pɔ.

⁶ A bia kpaan naasimm ki bin dia bi mɔḡ. ⁷ A mɔḡ-ii be fanu bonsiar kur ni, kii want leeb baa sii be fanu biaḡinba. A wann niib Masia labaar nan barmɔnii, kii sub, ⁸ kii piak linba took ki sɔɔ kan mi yiinir yanni, ki binba loon ki bii kɔn nant daa laat bonbiir nba ki bi saa pak ti pɔ; ḡanne saa te ki bin di fei. ⁹ Li ḡan ki daaba-ii saak bi yomdamm mɔi, kii pent bi para bonsiar kur ni. Bi daa nɔi nan bi yomdammi, ¹⁰ ki daa jaan bi siari. Li kpaas talas ki bin wann bi mɔḡ nan bi be fanu nan barmɔnii yoo kur; ḡanne ki bi binbeḡ kur saa wann nan ti Tinntɔɔ Yennu wanni na ḡan bonchiann.

¹¹ Kimaan Yennu tur nisaarik kur sɔnu a wun la tinnu; ḡanne fiit wann u ninbatinu nba yab biaḡinba. ¹² Li ninbatinue wannit a tin nyik linba kur ki tee yentinu na, nan tingbouḡ na loonbiit, ḡaan dia ti mɔḡ, kii be fanu, kii tiin

Yennu, tingbouŋ na ni, ¹³ kimaan ti guu ki mək dindann nba turit parpeenn nan ti Yabint Yennu nan ti Tinntɔɔ Yiisa Masia saa dokit yentsaakar ni; ¹⁴ ɲɔɔɔe din gaar ti paak ki kpo, a wun nyinnit biit kur daabisin ni, ki te ki ti tee popeendamm nba tee u kuukɔɔ yab, ki tee niib nba numm mɔn nan toonɲana tumu.

¹⁵ Wantib linba na kura, kii cheen bi para, kii kpaanib nan Yennu nba tura yudant biaɲinba na. Daa te ki sɔɔ goriia yanni.

3

Ki jiin Masiaweira binben po

¹ A tiarib ki bin tur bi tiŋ yudamm nan yentdamm baakir, ki sak bi mɔi, ki teen siir nan toonɲana tumu yoo kur. ² Betirib ki bi daa piak barbiit sɔɔ paaki, ki daa kɔn nan leebi, kii be soon nna, kii teen sɔɔ kur baakir; ³ kimaan sianyoo ti mɔŋ din ki mək yami, ti din tee mɔyêtdamme, ki waa sonu nba ki tooki, ki waa nianbiit sonbooru booru. Ti din tuu ki mi dudukit nba ɲan; ki tee funfunn damm, ki ki loon ti leeb, ki bi mun ki loont. ⁴ ɲaan ti Tinntɔɔ Yennu lomm nan u burchint nba din tan fiit nyii paanu yoo nba, ⁵ ki u tinnit. Li ki tee ti tiɔŋ toonɲana paak kaa, ɲaan u mɔŋ ninbatinu paake ki u tinnit, ki din wuurit ki nyinn ti biit, ki te ki u Seyeen ɲamm nant, ki turit manfopaann, ⁶ ki jii u Seyeen maŋ ki turit, ti Tinntɔɔ Yiisa Masia paak. ⁷ Yennu ninbatinu paak ki u tun nna a wun teent niɲamm u boor; ki bia teent u waas nba mək dindann a ti saa

la manfoor nba kaa gbennu. ⁸ Barii na tee barmɔniie.

N loon ki a jii a dudukit kur kii wantib linba na, ki binba teen Yennu yada na n jii bi yoo ki tun linba ŋan; ŋanne ŋan ki mɔk nyɔɔt ki tur sɔɔ kur. ⁹ Ŋaan nyik mɔɔyana, nan yaadindont kanu, ki daa kɔn nan leeb, ki bia daa noi mɔniɔk sennu paak, kimaan linba na kura ki ŋan, ki bia ki mɔk nyɔsiati. ¹⁰ Niro-i tee tukina daanɔ, fan kpaanɔ yomm koo munlee; ki u baka-i kaa li kpaanii ni, fan nyiko ki ji daa fiin u po, ¹¹ kimaan a mi nan li nibooru nyik Masia weiuwa, ki u toonbiit nae want u biit.

Kpaanjoontii

¹² Mi-i tun Atemas koo Tikikus a boor yoo nba, fan yabir ki chetin Nikopolis doo ni, kimaan n sii be leŋe wonfufuk yoo. ¹³ Yabit a mɔŋ ki somm Senas, wunba tee barbuuro na, nan Apolos, ki bin la baa loon linba kur ki piin bi sonii na. ¹⁴ Li kpaas talas ki Masiaweira-ii tuun toonŋana kii sommit niib bi fara ni, ki daa be binbeŋ nba kaa nyɔɔti.

¹⁵ Binba be n boor na kura foonta. A foont binba teen Masia yada ki loonit na. Yennu ninkpabaug-ii be nan i kura.

Yennu Gbouŋ Mɔɔr
Bimoba: Yennu Gbouŋ Mɔɔr Bible

copyright © 2003 Wycliffe Bible Translators, Inc.

Language: Bimoba

Contributor: Wycliffe Bible Translators, Inc.

All rights reserved.

2020-11-16

PDF generated using Haiola and XeLaTeX on 21 Sep 2022 from source
files dated 11 Jul 2022

00d89ba0-4677-52d9-9bc5-aa3d7c5c966d